

Informaziuns davart il project – «La vegliadetgna fuorma il futur» ella vischnaunca Ilanz/Glion

Bunas reits socialas porschan cundiziuns da viver persistentas che sustegnan e promovon l'autonomia e l'atgna responsabladad da senioras e seniors e sminueschan l'isolaziun. Il diember dils onns cun buna sanadad vegn influenzaus aschia positivamein. Las resursas preziasas dallas persunas che han surpassau la vegliadetgna da pensiun vegnan activadas e accessiblas alla vischnaunca.

La vischnaunca Ilanz/Glion promova cul project participativ «La vegliadetgna fuorma il futur» digl Uffeci da sanadad Grischun ina veta autonoma e sanadeivla era ella vegliadetgna. Ensemen cun organisaziuns ed uniuns che s'engaschan el sector dalla vegliadetgna e cun integrar la generaziun veglia duei il diever da purschidas existentas vegnir augmentaus. Plinavon duei vegnir identificau munconzas ed empruau da curreger quellas.

Luvratori cun organisaziuns ed uniuns (acturs) el sector dalla vegliadetgna

En in luvratori culs acturs el sector dalla vegliadetgna vegn/an:

- eruidas las purschidas per senioras e seniors ella vischnaunca Ilanz/Glion
- promoviu la colligiazion denter las participontas ed ils participonts
- evaluau ils basegns

«luvratori dil futur» per senioras e seniors

Cun integrar la generaziun veglia vegni a dar igl uost 2023 en differentas fracziuns dalla vischnaunca Ilanz/Glion «luvratoris dil futur». «Co san senioras e seniors formar lur futur ella vischnaunca Ilanz/Glion?» Quella damonda duei star el center da quei luvratori participativ e senioras e seniors duein purtar en cheutier lur basegns, ideas e visiuns.

Transposiziun dil project en gruppas da lavur

En gruppas da lavur, las qualas vegnan fundadas durant ils luvratoris dil futur, realiseschan senioras e seniors lur ideas. Las gruppas da lavur vegnan sustenidas tenor basegns dalla menadra da project ni d'acturs el sector dalla vegliadetgna.

Conferenza da facit

Durant la conferenza da facit presentan las gruppas da lavur lur projects e rapportan da lur experientschas. La vischnaunca presenta in plan persistent per cuntinuar culla participaziun da senioras e seniors e da lur projects.

Organisaziun dil project

Purtadra dil project	Vischnaunca Ilanz/Glion
Menadra da project locala:	Rosita Valaulta, Ilanz
Menadra da project externa:	Franzisca Zehnder, sin incumbensa digl uffeci da sanadad
Gruppa d'evaluaziun (cumissiu per la promoziun da sanadad e prevenziun Ilanz/Glion):	Alice Bertogg, Sevgein, presidenta dalla cumissiu Giusep Arpagaus, Ladir Annina Cadruvi, Glion Anita Caduff, Glion Mathilda Derungs, Glion

Cun il sustegn da



Gesundheitsamt Graubünden
Uffizi da sanadad dal Grischun
Ufficio dell'igiene pubblica dei Grigioni